



Pele Broberg
Inatsisartunut ilaasortaq, Naleraq
ina@ina.alla.gl

Atlantikoq qulaallugu Kangerlussuarmut timmisartuussisarneq pillugu § 37 naapertorlugu apeqquteqaammut 2024-173-imut akissut

09-08-2024
Sags nr.: 2024-14872
ID nr.: 93439900

Asasara Pele

Inatsisartut suleriaasianni § 37 naapertorlugu Atlantikoq qulaallugu Kangerlussuarmut timmisartuussisarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Atlantikoq imarpik, Atlantikoq qulaallugu timmisartuussinernik taaneqartartut, Kangerlussuarmut timmisartuussisarnissaq Naalakkersuisut isumartik allanngorlugu ingerlatiinnalerpaat?

Akissut: Atlantikoq qulaallugu Kangerlussuarmut, Kangerlussuarmiillu timmisartuussisarnissamat niuernikkut tunngavissaqartoq, Naalakkersuisunit naammagisimaarinnillutik maluginiarneqarpoq.

Apeqqut 2: Naalakkersuisut malillugit, Danmark-ip Kalaallit Nunaatalu mittarfiisa akunnerminni timmisartuussineri ”nunap iluani” ”regional” timmisartuussinertut isumaqartinneqarpa?

Akissut: Naamik.

Apeqqut 3: Air Greenland A/S-ip Albatros Arctic Circle ApS-illu Atlantiku qulaallugu timmisartuussinerit aqutiginiakkatik tusagassiuutitigut oqariartuutigisaat ukiumut akitsuutitigut qanoq naleqarpat? Timmisartuussinermit ataatsimi, ukiumullu tamarmut naatsorsorlugu missingersorneqarnera akeqquneqarpoq.

Akissut: Timmisartuussisarnermut Naalakkersuisut aningaasartuuteqanngillat. Niuernermik tunngaveqarluni isumaqatigiisummut tassunga Naalakkersuisut ilaannngillat.

Ingerlatsinissaq pillugu Naalakkersuisut Greenland Airports A/S-imik, nunap immikkoortortaani timmisartuussinissamat periarfissaqarnissaanik qulakkeerinnittumik isumaqatigiisuteqarput.

Apeqqut 4: Maannakkumiit, aamma ukioq 2025-miit siumut, Kangerlussuup mittarfiani suut akitsuutit atuutsinneqassappat, Nuummilu nutaamik mittarfittaassap Kangerlussuup mittarfianut sanilliukkaanni assigiinngissuteqassappat? Assigiinngissuteqarpata, imaluunniit apeqqut suli

**akissutissarsineqarsimangippat, tunngavilersuutaanik
nassuiaassisoqaqquneqarpoq.**

Akissut: Mittarfeqarfiit A/S pillugu Inatsisartut inatsisaanni nr. 19, 21. november 2022-meersumi § 9-mi imm. 4-mi oqaaseqatigiinni siullermi ima allassimavoq: "Aallarnermut akigititat, ilaasunut akigititat, isumannaallisaanermut akigititat, uninnganermut akigititat ammatitsinermullu akigititat taakkunanilu allannguutit kiisalu akikilliliissuteqartarnermut akiliuteqartitsisannginnissamullu tunngaviit Naalakkersuisunit akuersissutigineqassapput."

Aalajangersakkami tassani imm. 6-imi ima aalajangersarneqarpoq, "Pisortanut akitsuutini, akileraarutini akiliutigittinneqartartuniluunniit allannguutit Naalakkersuisut akuersitinnagit akigititanut ilanngunneqarsinnaapput. Akigititat tamatuma saniatigut Kalaallit Nunaanni atuisartunut akigitinneqartunut naleqqersuut malillugu ukiumoortumik iluarsiiissuteqarfigineqartarsinnaapput Naalakkersuisunut saqqummiussinertaqanngitsumik"

2024-mi akigititassatut akuersissutigineqartut Greenland Airportsip nittartagaanni <https://www.mit.gl/services/takster-og-betalinger-3/> takuneqarsinnaapput.

Apeqqu 5: Kangerlussuarmut Atlantikoq imarpik qulaallugu timmisartuussinissamut kiffartuussinissamik ukioq 2025-miit siunissamullu isumaqatigiissuteqartoqanngimmat, taava qanoq ililluni ingerlatseqatigiiffiit inuiaqatigiit pigisaat allallu timmisartuussisarnissaminut pilersarusiulereersinnaappat? Naalakkersuisut ingerlatseqatigiiffiillu pineqartut iluanni isumaqatigiissuteqarsimappat imaluunniit allat peqatigalugit, tamakkulu sulii avammut tusarliunneqanngimmata piumasarineqarpoq eqqartueqatigiissimanerit saqqummiunneqarnissaat nassuiarlugillu.

Akissut: Naalakkersuisunit maluginiarneqarpoq, Namminersorlutik Oqartussat suliffeqarfiutaat unammilleqatigiinnerup allanngorneranut naleqqussarlutik niuernermik tunngaveqartumik isumaqatigiissusiortartut.

Apeqqu 6: Susassaqartut kikkut Kangerlussuup ingerlanneqarnissaanut, tassangalu mittarfiup ingerlanneqarneranut, maannakkumiit, aamma ukioq 2025-miit siunissamut akisussaasuulertussaappat? Ingerlatsinissaq susassaqartut assigiinngitsunut agguarneqarsimappat, susassaqartut kikkut pineqarnersut ataasiakkaarlugit akissutigineqarnissaat piumasarineqarpoq.

Akissut: Ingerlatsinissaq pillugu Greenland Airportsimik isumaqatigiissummi allassimavoq, mittarfimmik pingaarnertut ingerlatsineq isumagisarigaat. Greenland Airportsip ingerlatsinerup ilaa ingerlatseqatigiiffinnut allanut suliakkiutigisimaneraa pillugu akissuteqarnissami, Naalakkersuisoqarfiup Greenland Airports immersueqataaqqunikuuaa.

Greenland Airportsip paasissutissiissutigaa:

"Kangerlussuarmi mittarfimmut akuersissut, ingerlatsinissamillu akisussaaffik 2024-p kingorna Greenland Airportsip ataaniinnassapput."

Apeqqu 7: Takornariaqarnermi inatsisissariniagaq, ingerlatseqatigiiffinnullu allattorsimaffik Aningaasaqarnermut Naalakkersuisoqarfiup ataaniinnera tunngavigalugit, paaserusuppakka Albatros Arctic Circle ApS pillugu uku tullerit, ingerlatseqatigiiffiullu piginnittuunermut inatsisimanera ilanngullugu:

a. Ingerlatseqatigiiffik tamakkiisumik kalaaliua?

Akissut: Naalakkersuisoqarfiup Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik immersueqataatippaa.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup paasissutissiissutigaa:

"Naalakkersuisut paasissutissiissutigisinnaavaat, ingerlatseqatigiiffik Albatros Arctic Circle ApS Kalaallit Nunaanni najugaqarluni CVR-inut allattorsimaffimmi allassimamat, taamaalillunilu CVR-inut inatsit naapertorlugu Kalaallit Nunaanni ingerlatseqatigiiffittut isigineqarluni."

b. Ingerlatseqatigiiffik kalaallinit pigineqarpa? Naalakkersuisut akissutaanni "kalaallit" qanoq isumaqarfigineqarneranik nassuiaassisoqarnissaa piumasarineqarpoq"

Akissut: Naalakkersuisoqarfiup Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik immersueqataatippaa.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup paasissutissiissutigaa:

"Ingerlatseqatigiiffiit kalaallinit pigineqarneranik malittarisassiuussisumik imaluunniit nassuiaasumik, takornarialerinerit inatsimmi aalajangersagaqanngilaq."

Ingerlatseqatigiiffiup inatsisitigut piginnittui, piginnittuivillu tamarmik Danmarkimi najugaqarput."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqquusillunga



Hans Peter Poulsen